

中藏經




		漢書門
一	二	三
九	六	七
二	七	
五	二	
七	六	
冊	架	函
號	類	

四至八尾

庫	文	閣	內
函	七	五	七
架	冊	號	類


內閣文庫			
番號	漢	12967	
冊數	75 (14)		
已號	301	59	

十四



綴じ部(喉部分)の文字等が開きが不鮮明な場所あり

大學東
校典藉
局之印



華先生中藏經卷第四

論脚弱狀候不同第四十二

人病脚氣與氣脚無異者為邪毒從內而注入脚名
曰脚氣也風寒暑濕邪毒之氣從外而入於脚膝漸
傳於內者名曰氣脚也皆以邪奪其正使人病形頗
相類例其於治療亦有上下先後也故分別於耳目
一揆而不察其由無理致其瘳也又喜怒憂思寒熱
毒邪之氣流入肢節或注於脚膝其狀類諸風歷節
偏枯癱腫之證但入其脚膝謂之氣脚也若從外入
足入臟者謂之脚氣也脚氣者先治內而次治外實

者利之虛者益之又病脚氣多者何也謂人之心肺
二經起於手脾腎肝三經起於足手則清邪中之足
則濁邪中之人身之苦者手足耳而足則最重者艱
苦故風寒暑濕之氣多中於足以此脚氣病多也然
而得之病者從漸而生病但始萌於不悞悞者不曉
醫家不爲胸氣將爲別疾治療不明因循至大身居
厄矣本從微起漸成巨候流入臟腑傷於四肢頭項
腹背未甚終不能知覺也時因他而作或如傷寒或
如中暑或腹背疼痛或肢節不仁或語言錯亂或精
神昏昧或時喘之或暴盲聾或飲食不入或臟腑不

通或舉急不遂或舒緩不收或口眼牽竒或手足顛
掉種種多狀莫有達者故使愚俗束手受病死無告
療仁者見之豈不傷哉今始述本末略示後學清深
消息至於醉入房中飽眠露下當風取涼對月貪歡
沐浴未乾而熱躡房室纔罷而衝軒久立於低濕久
佇於水溼冒雨而行清寒而寢勞傷汗出食飲悲生
犯諸所禁因成疾矣其於不正之氣中於上則害於
頭目害於中則蠱於心腹形於下則失於腰脚及於
傍則妨於肢節千狀萬證皆屬氣脚起於脚膝乃謂
脚氣也形候脉理亦在詳明其脉浮而弦者起於風

濡而弱者起於濕洪而數者起於熱遲而澁者起於寒滑而微者起於虛牢而堅者起於實在於上則由於上在於下則發於下在於中則發於中結則因氣散則因憂緊則因怒細則因悲風者汗而愈濕者溫而愈熱則解而愈寒則熨而愈虛者補之實者瀉之氣則流之憂則寬之怒則悅之悲則和之能通斯方謂之良醫脚氣之病傳於心肝十死不治入心則恍惚忘謬嘔吐食不入眠不安定左寸口手脉乍大乍小乍有乍無者是也入腎即腰脚俱腫小便不通脾吟不絕目額皆黑色時上衝胃腹而喘其左尺中脉

絕者是也切宜明審矣

論水腫脉證生死疾第四十三

人中百病難療者莫出於水也水者腎之制也腎者人之本也腎氣壯則水還於腎腎虛則水散於皮又三焦壅塞榮衛閉格血氣不從虛實交變水隨氣流故爲水病有腫於頭目腫於腰脚者有腫於四肢者有腫於雙目者有因嗽而得者有因勞而生者有因凝滯而起者有因虛而成者有因五臟而出者有因六腑而來者類皆多種狀各不同所以難治由此百狀人難曉達縱曉其端則又人以嬌恣不循理法冒

犯禁忌弗能備矣故人中水疾死者多矣水有十名
具於篇末一曰青水二曰赤水三曰黃水四曰白水
五曰黑水六曰玄水七曰風水八曰石水九曰暴水
十曰氣水青水者其根起於肝其狀先從面腫而漸
行一身也赤水者其根起於心其狀先從胃腫起也
黃水者其根起於脾其狀先從腹腫白水者其根起
於肺先從脚腫而上氣喘嗽也黑水者其根起於腎
其狀先從足跌腫玄水者其根在膽其狀先從面腫
至足者是也風水者其根在胃先從四肢腫石水者
其根在膀胱其狀小腹腫大是也暴水者其根在小

腸其狀先從腹脹而不腫漸漸而腫也氣水者其根
在腸乍來乍去乍衰乍盛者是也良由上下不通關
竅不利氣血痞格陰陽不調而致其脉洪大者死久
不愈之病令人患水氣臨時發散歸五臟六腑則主
為病也消渴者因胃風衝熱饑飽失常飲酒過量嗜
慾傷頻或服藥石久而積成使之然也

論淋瀝小便不利第四十四

諸淋與小便不利者五臟不通六腑不和三焦痞溢
榮衛耗失胃熱飲酒過醉入房竭散精神勞傷血氣
或因色興而敗精不出或因迷寵而真髓多輸或驚

山形經 四補 四
惶不定或憂思不寧或饑飽過時或奔馳不定或隱
忍大小便或寒入膀胱或發泄久興或暑中胞囊傷
茲不邁慎致起斯疾狀候變異者名亦不同則有冷
熱氣勞膏砂虛實之八種耳冷者小便數而色白如
泔也熱者小便澁而赤色如血也氣者臍腹滿悶小
便不通利而痛也勞者小便淋瀝不絕如水滴漏而
不斷絕也膏者小便中出物如脂膏也砂者臍腹隱
痛小便難其痛不可忍須臾如小便中下如砂石之
類有大如皂角子或赤或白色澤不定此由腎氣弱
貪於女色閉而不泄泄而不止虛傷真氣邪熱漸弱

結聚成砂又如水煮鹽火大水小鹽漸成石之類爲
腎者水也鹹歸於腎鹹積於腎水滯於下虛熱日甚
而結而生又非一時之作也蓋遠火乃痊成五歲敗
卽三年壯人五載禍必來宜乎急攻八淋之中唯此
最爲危矣其脉盛大而實者可治虛小而濕者不可
治虛者腎與膀胱俱虛精滑夢泄小便不禁者也實
者謂經絡閉塞水道不利莖痛腿酸者也又諸淋之
病與脉相從者活反者死凶治療之際亦在詳酌耳
古之與今有餌得失者第四十五

古之與今有餌得失者蓋以其宜不宜也或草或木

或金或石或單方得力或羣隊獲功或金石毒而致死或勢助而能全其驗不一者何也基本虛者得補益之情必長其年通之性必延其命基本實者得宣虛而過泄實而更增千死其千萬歿其萬則決矣有年少富盛之人恃其藥力恣其酒慾誇弄其術暗使精神內損藥力扶持忽然疾作何能救療如是者豈止災之內發但恐藥餌無功實可歎哉其於久明方書在審其宜人藥相合效豈妄耳假如臟不足則養其臟腑有餘則瀉其腑外實則理外以虛則養內上塞而引上下塞而通下中瀉則解中左痛則治左右

病則治右上下左右內外虛實各稱其法安有橫天者也故萬無不效病無不愈者切務於謹察也

論三痞并方第四十六

金石草木皆可以不死有驗無驗在乎有志無志也雖能久服而又其藥熱壅塞而不散或上或下或否或澁各有其候請迷審明用法免敗其高於壽矣

辨上痞候并方

頭眩目昏面赤心悸肢節痛前後不仁

不仁謂痛麻痺滿者也

多痰短氣懼火喜寒

惡寒云

後方

桑白皮闊一寸長一尺檳榔 一枚

木通 一尺

大黃三分濕紙煨黃芩 一分

澤瀉 二兩

右剉為散水五升煎去三升取清分二服食後臨

臥服

辨中痞候并方

腸滿脹四肢倦行立艱食以嘔多胃昧減飲食或渴

者是也宜用後方

檳榔 一枚 木香 一分

右為末生蜜丸梧桐大薑湯下三十九食後日二

服未減加之效則勿再服附方

桂五錢不焙檳榔 一箇

黑牽牛四兩生取末二兩餘不用

右為末蜜酒調二錢以利為度

辨下痞候并方

小便不利臍下滿硬語言蹇滯腰痛脚重不能立是

也宜用後方

瞿麥頭子一兩官桂 一分 其遂 三分

車前子一兩

右為末鑽猪食子一箇去筋膜薄批開入藥末二

錢勻粧濕紙包煨熟空心嚼服酒送下以大便

為度小便未利臍腹未軟更服後方

葱白一寸去心入硃砂一錢安葱心中兩頭以線子繫之濕紙包煨熟冷醇酒送下空心服以效爲度

論療治有汗下吐補交錯致於死候第四十七
夫病有宜湯者宜圓者宜散者宜下者宜吐者宜汗者宜灸者宜針者宜補者宜按摩者宜導引者宜蒸熨者宜煖洗者宜悅愉者宜和緩者宜水者宜火者種種之法豈惟一也若非良善精博難爲取愈庸下淺識亂投湯圓汗下補吐動使交錯輕者令重重者令死舉世皆然且湯可以滌蕩臟腑開通經絡調品

陰陽祛分邪惡潤澤枯極悅養皮膚養氣力助困竭莫離於陽也圓可以逐風冷破堅癥消積聚進飲食舒榮衛定開竅緩緩然參合無出於圓也散者能祛風邪暑濕之氣攄寒濕濁之毒發散四肢之壅滯除剪五臟之結伏開腸和胃行脉通經莫過於散也下則踈密閉塞補則益助虛乏灸則起陰通陽針則行榮引衛導引則可以逐客邪於關節按摩則可以驅浮淫於肌肉蒸熨辟冷煖洗生陽悅愉爽神和緩安氣若實而不下則使人心腹脹滿煩亂鼓腫若虛而不補則使人氣血消散肌肉耗亡精神脫失志意昏

迷可汗而不汗則使人毛孔閉塞關絕而終合吐而不吐則使結膈上喘水食不入而死當灸而不灸則使人冷氣重凝陰毒內聚厥氣上衝分墜不散以致消滅當針而不針則使人榮衛不行經絡不利邪漸勝真冒昧而昏宜導引而不導引則使人邪侵關節固結難通宜按摩而不按摩則使人淫隨肌肉久留未消宜蒸熨而不蒸熨則使人冷氣潛伏漸成痺厥宜煖洗而不煖洗則使人陽氣不行陰邪相害不當下而下則使人開腸蕩胃洞泄不禁不當汗而汗則令人肌肉消絕津液枯耗不當吐而吐則使人心神

煩亂臟腑奔衝不當灸而灸則使人重傷經絡內蓄痰毒反害於中和致於不可救不當針而針則使人氣血散失機關細縮不當導引而導引則使人真氣勞敗邪氣妄行不當按摩而按摩則使人肌肉臃脹筋骨舒張不當蒸熨而蒸熨則使人陽氣徧行陰氣內聚不當煖洗而煖洗則使人濕灼皮膚熱生肌體不當悅愉而悅愉則使人神失氣消精神不快不當和緩而和緩則使人氣停意折健忘傷志大凡治療要合其宜脉狀病候少陳於後凡脉不緊數則勿發其汗脉不疾數不可以下心腎不閉尺脉微弱不可

以吐關節不急榮衛不壅不可以針陰氣不盛陽氣
不衰勿灸內無客邪勿導引外無滯氣勿按摩皮膚
不痺勿蒸熨肌內不寒勿煖洗神不凝迷勿悅愉氣
不奔急勿和緩順此者生逆此者死耳脉病之法備
說在前

論診雜病必死候第四十八

夫人生氣健壯者外色光華內脉平調五臟六腑之
氣消耗則脉無所依色無所澤如是者百無一生雖
能飲食行立而端然不悞不知死之逼矣實為痛
具大法列之於後

病瞪目引水心下牢滿其脉濡而微者死

論吐衄瀉血其脉浮大牢數者死

病妄言身熱手足冷其脉細微者死

病大洩不止其脉緊大而滑者死

病頭目痛其脉濇短者死

病腹中痛其脉浮大而長者死

病腹痛而喘其脉滑而利數而緊者死

病四逆者其脉浮大而短者死

病耳無聞其脉浮大而濇者死

病腦痛其脉緩而大者死

左痛右痛上痛下痛者死

下痛而脉病者死

病厥逆呼之不應脉絕者死

病人脉宜大反小者死

肥人脉細欲絕者死

瘦人脉躁者死

人脉本滑利而反澁者死

人脉本長而反短者死

人尺脉上應寸口太遲者死

温病三四日未汗脉太疾者死

温病脉細微而往來不快胃中閉者死

温病發熱甚脉反小者死

病甚脉往來不調者死

温病腹中痛下痢者死

温病汗不出出不至足者死

病瘧腰脊強急瘕瘕者死

病心腹脹滿痛不止脉堅大洪者死

痢血不止身熱脉數者死

病脹滿四逆脉長者死

熱病七八日汗當出反不出脉絕者死

熱病七八日不汗躁狂口舌焦黑脉反細弱者死

熱病未汗出而脉大盛者死

熱病汗出而脉未盡往來轉大者死

病咳嗽脉數身瘦者死

暴咳嗽脉散者死

病咳形肥脉急甚者死

病嗽而嘔便滑不禁脉弦絃欲絕者死

病諸嗽喘脉沉而浮者死

病上氣脉數者死

病肌熱形瘦脫肛熱不去脉甚緊急者死

病腸癖轉筋脉極數者死

病中風痿厥不仁脉緊急者死

病上喘氣急四匝脉澁者死

病寒熱瘕瘕脉大者死

病金瘡血不止脉大者死

病墜損內傷脉小弱者死

病傷寒身熱甚脉反小者死

病厥逆汗出脉虚而緩者死

病洞泄不下食脉急者死

病腸辟下白膿者死

病腸澼下膿血脉懸絕者死

病腸澼下膿血身有寒脉絕者死

病咳嗽脉沉堅者死

病腸中有積聚脉虛弱者死

病水氣脉微而小者死

病水脹如鼓脉虛小澁者死

病泄注脉浮大而滑者死

病內外俱虛臥不得安身冷脉細微嘔而不入

食者死

病冷氣上攻脉逆而澁者死

卒死脉堅而細微者死

熱病三五日頭痛身熱食如故脉直而疾者八

日死

久病脉實者死

又虛緩虛微虛滑弦急者死

卒病脉弦而數者死凡此凶脉十死十百死百

不可治也

不可成也
卒無和茹而樓者我其此凶和十取十百取百
又取和茹而樓者我其此凶和十取十百取百
火和實者我其此凶和十取十百取百
日取和實者我其此凶和十取十百取百
然亦三正日頭蘇其然食破姑和直而然者人
卒取和實者我其此凶和十取十百取百

華先生中藏經卷第五

察聲色形證決死法第四十九

凡人五臟六腑榮衛關竅宜平生氣血順度循環無
終是為不病之本若有缺絕則禍必來矣要在臨病
之時存神內想息氣內觀心不妄視著意精察方能
通神明探幽微斷死決生千無一誤死之證兆具之
于後

- 黑色起於耳目鼻上漸入於口者死
- 赤色見於耳目額者五日死
- 黑白色入口鼻目中者五日死

黑或如馬肝色望之如青近則如黑者死

張口如魚出氣不反者死

循摸衣縫者死

妄語錯亂及不能語者死熱病即不死

尸臭不可近者死

面目直視者死

肩息者一日死

面青人中反者三日死

面無光牙齒黑者死

面青目黑者死

面白目黑者十日死

面赤眼黃即時死

面黑目白者八日死

面青目黃者五日死

眉系傾者七日死

齒忽黑色者三十日死

髮直者十五日死

遺尿不覺者五六日死

唇口乍乾黑者死

爪中青黑色死

頭目久痛卒視不明者死

舌卷卵縮者死

面黑直視者死

面青目白者死

面黃目白者死

面目俱白者死

面目青黑者死

面青唇黑者死

髮如麻喜怒不調者死

髮有如衝起者死

面色黑脇滿者不能反側者死

面色倉黑卒腫者死

掌腫無紋臍腫出囊莖俱腫者死

手足爪甲肉黑色者死

汗出不流者死

唇反人中滿者死

陰陽俱絕目匡陷者死

五臟內外絕神氣不守其聲嘶者死

腸絕陰結精神恍惚撮空裂衣者死

陰陽俱閉失音者死

榮衛耗散面目浮腫者死

心絕於腎肩息回盼目直者一日死

肺絕則氣去不反口如魚口者三日死

骨絕腰脊痛腎中重不可反側足膝後平者五日死

日死

腎絕大便赤澁下血耳乾脚浮舌腫者六日死

又曰足腫者九日死

脾絕口冷足腫脹泄不覺者十二日死

筋絕竟驚虛恐手足爪甲青呼罵不休者八日死

日死

肝絕汗出如水恐懼不安伏臥目直面青者八

死又曰即時死

胃絕齒落面黃者七日死又十日死

凡此察聽之更須詳酌者矣

藥方

曼應圓

甘遂 三兩

芫花 三兩

大戟 二兩

巴豆 二兩
去皮

乾漆 二兩

皂角 七挺
去皮

大黃 三兩
煨

三稜 三兩

蓬莪茂 二兩

檳榔 一兩

木通 一兩

當歸 五兩

雷丸 一兩

黑牽牛 五兩

桑白皮 二兩

五靈脂 五兩

礪砂 三兩

訶子 一兩 麩果 煨熟去麩

澤瀉 二兩

梔子仁 二兩

右各洗了細剉入米醋二升浸三日入銀石器中
慢火熬令醋盡焙乾再炒黃黑色存性入後藥
同為末如後

木香

肉桂

陳皮 去白

丁香

青皮 去白

黃耆

白朮

沒藥

附子 炮裂去皮

芍藥

川芎

白牽牛 炒

天南星 水

鱉甲 醋制浸

熟地黃 酒浸一宿

牡丹皮

赤茯苓

芸薹子 炒

乾薑

各二兩炮裂去皮

右同為末醋糊丸菉豆大用在後須至誠靜守
合方驗也

結胃油漿水下七丸未動再服

積穢食癥水下三丸

水氣通身腫茯苓湯下五丸

滿噎丁香湯下三丸

因積成勞鱉甲湯下二丸

腹下一切痛醋湯下七丸

小腸痿癖茴香湯下三丸

大小便不通蜜湯下五丸

心痛茱萸湯下五丸

卒死以小便下七丸

白痢乾薑湯下一丸

赤痢甘草湯下一丸

胃冷吐食丁香湯下二丸

大靈治傳尸明月丹

雄黃 半兩

兔糞 二兩

大靈蓋 一兩

驚甲 製一分

木香 半兩

輕粉 一分

右爲末用法酒一大升大黃半兩熬膏入前

丸彈子大硃砂爲衣傳尸勞肌瘦面黃嘔吐
嗽不定先燒安息香令烟盡吸之不嗽非傳尸
也不可用此藥若烟入口咳而不能禁止乃尸
也宜用此藥五更初服勿使人知以童子小便
同酒共一盞化一丸服之如人行二十里止吐
出虫其狀如燈心而細長及寸或如爛李又如
蝦蟇狀各不同未效次日初服以應爲度
解勞生肌進食活血養心地黃煎丸

生地黃 汁五升

杏仁 汁五升

生薑 汁五升

藕汁 五升

薄荷 汁五升

鵝梨 汁一升

法酒 二升

沙蜜 四兩

右慢火熬成膏入後藥

柴胡 三兩洗去芦

木香

人參

茯苓

山藥

栝子仁 微炒另研

遠志 去心

白朮

枳殼 各二兩浸去穰切麩黃

秦艽 二兩洗去芦

桔梗

熟地黃 四兩酒浸一宿切焙

麝香 半兩細研

右丸如桐子大每日食後甘草湯下二十九

癥瘕

大黃 濕紙裹煨

礪砂

三稜 濕紙裹煨乘熱細切

乾漆 炒至烟盡

巴豆 去皮出油各一兩

入醋一升

膏入藥如後

木香

丁香

枳殼 去穰切

官桂 名一兩半

右同丸如菉豆大米湯下三丸

通氣可慮丸方

阿魏 二兩酒熬

沉香 一兩

桂 半兩

黑牽牛 一兩炒

右將阿魏先熬成膏次入前藥和丸如櫻桃大味

砂為衣一丸酒化下諸氣不通胃背痛結悶亂

宜

醉仙丹治偏枯不遂皮膚不仁

麻黃

水煮焙乾
為末一兩

天南星

七箇
炮

黑附子

三箇
炮
去皮

地龍

七條
去土

右除麻黃先為末次將麻黃末入酒一升熬成膏

入前末丸如彈子大每日食後臨臥酒化一兩

汗出效偏枯不遂皮膚不仁者皆由五官虛弱

風寒暑濕之邪蓄積在中久而不散乃成疾為

破黃十神丹

朴硝 二斤

硃砂 五兩

大黃

七兩
紙裹

梔子 二兩

豆豉

半升以絹
袋盛之

甘遂

膩粉 一兩

右水二斗熬令水盡除其遂豉梔子大黃只取汁

稍末砂粉末丸彈子大每一丸水化下以吐瀉

為度

暴喘欲死方

大黃

一兩濕
紙裹煨

牽牛

二兩
炒

右為末蜜水調二錢立止此方治上熱痰喘虛肺

寒冷胃不可用

暴喉閉氣欲絕

乾漆炒令烟筒子吸之

駐顏長筭祛百病交藤丸

何首烏即交藤根也用一斤赤白者

茯苓五兩

牛膝二兩

右蜜丸酒下三十九丸忌食猪羊血

瘡方通神乳香膏

乳香

沒藥

血竭

鴈一兩

黃丹

木鱉子二兩

膩粉三錢

烏賊魚骨二兩

不灰木四兩

五靈脂二兩

海桐皮二兩

瀝青四兩

油八兩熬用

切氣滿麝香丸古秘方無巴豆血竭止痛破血生

肌肉及血不止

麝香一錢

乳香一分

巴豆十四箇去皮出油

右棗肉同丸任瘡上

治厥陰面目俱青心下硬四肢冷脉細而欲絕破棺散

硫黃一兩酒煮

硃砂一兩研

右二味酒丸鷄頭大入室中勿令人知同病人身

長掘一坑深一尺入粟稗火燒坑子極熱醋五

升沃令氣出衣被鋪坑以酒化一丸服之後合病人坑上臥少時汗出

治陽厥發狂將成疸浴腸湯

大黃

四兩濕紙裹煨

大青

一兩

梔子

二兩

甘草

一兩炙

右水五升煎去二升內朴硝五合熬去一升分四

升量虛實與之

起卒死救生丹 此方不可服

大黃

半兩濕紙裹煨

膩粉

半兩

硃砂

雄黃

一分

巴豆

七箇去皮出油

右用鯽膽汁丸雞頭大用童子小便下一丸擗開口灌之內大葱尾一寸許入鼻中如人行五九里當吐出涎即活

脾厥吐瀉霍亂

附子

炮裂去皮臍去

生薑

甘草

炒

豆豉

等分

右用水半升藥末二錢棗七箇生薑一片煎至一

觔溫服

治心脾卒痛不可忍

木香

一兩

蓬朮

一兩

乾漆

炒至烟盡一分

右醋湯調下一錢立止

左慈真人千金地黄煎

生地黄

一秤取汁熬入地黄未酒丸下二十九

大上延年萬勝追魂散

治勞瘦垂死方

人參

杏仁

去皮尖

天靈蓋

一兩炒

柴胡

川椒

一分去目微炒出汗柳桃心握一小

右用童子小便一升末一兩煎令熟空心日午各

一服五日効

葛玄真人百補交精丸

熟地黄

四兩酒浸一宿切焙乾秤

山藥

二兩

五味子

六兩

杜仲

三兩去麋皮剉碎炒斷絲

茯苓

二兩酒浸一宿焙乾稱

牛膝

二兩去芦剉寸酒浸一宿焙稱

澤瀉

茯苓

山茱萸

遠志

去心

巴戟

赤石脂

栝子仁

微炒另研

石膏

各一兩火燒令赤出火毒

右蜜丸栝子大空心酒下二十九男女服之

扁鵲玉壺丸

礬黃

一斤桑灰煮入坑子內去火毒了細研如麴

右湯浸蒸餅爲丸如梧桐子大每服十九

療百病延壽酒

黃精 四斤

天門冬 三斤

松葉 六斤

枸杞 五斤

蒼朮 四斤

水三碩煮一日

右熬如釀酒法空心服之

解一切毒玉霜丸

牙硝 半斤

朴硝 半斤

鵬砂 四兩

白礬 二兩

右四味火溶成汁傾入一地坑子內為末龍腦二

兩研水半盞令生蜜調一錢小兒量虛實服

二硝吐血黃疸三黃丸

黃連 三兩

大黃 一兩濕紙裹煨

黃芩 二兩

右煉蜜丸桐子大用熟水下十五丸食後服臨臥

救百物入咽喉鯁欲死

茯苓

貫衆

甘草

右等分米飲調一錢

式學公米燈附一驗
 地坑子肉為木煎
 林茶水
 貫泉
 錢小其草
 迎有參人因知藥效
 本藥式附于大用藥水十五正共食藥則

華先生中藏卷第六

三菜圓治小腸氣痛

山石吳茱萸各一兩

青皮去穢

馬蘭三味各一兩

金鈴子取肉并皮一兩

舶上茴香

右七味逐味於銀鈔內炒令香為末酒餵圓如梧
 桐子大每疾作鹽酒下三五十圓久年不差五
 七服可除根本

金鈴圓治小腸氣一服立愈

牽牛子炒

青皮去白

長蘆各等分

川練子

舶上茴香

各半兩

玄胡索

兩

右為細末生薑自然汁煮麴圓如梧桐未大朱砂為衣每服三十圓燒綿為灰浸酒下不計時候

燒肝散治久年不差心勞口瘡

銀州柴胡

去芦

白朮

紅芍藥

牡丹皮

蒼朮

已上五味各一兩

人參

黑附子

炮去臍皮

石斛

去浮膜三味各半兩

右同為細末用獾猪肝薄批去血水摻藥在上

徧以荷葉裹定濕紙包之慢火煨令過食前米飲下此藥有奇功

補心丹治因驚失心或因思慮過當心氣不寧狂言妄語叫呼奔走

硃砂

一分

雄黃

一分并研

白附子

末

錢為

右拌勻以猪心血圓如梧桐子大更別以朱砂為衣每服二圓臨卧用人參菖蒲湯下常服一粒能安魂魄補心氣鎮神靈

椒紅圓治嗽不止及補中益氣進食

小椒

揀淨二兩去目炒遇出汗用

乾山藥

一兩

川附子二兩炮 去皮臍

右同為細末以好酒煮淡木苳和之再入日中杵三五百下圓如桐子大每服十五二十圓空心食前鹽湯溫酒任下泄瀉米飲下如喉中痰涎如水鷄聲曉夕不止者一兩服見効

縮砂圓消積溫中順氣治風痰利胃隔尤治傷生

冷嘔逆泄瀉

天南星四兩湯浸洗七遍切焙乾秤 良薑四兩 縮砂仁二兩

右為細末生薑自然汁煮麵餠圓如梧桐子大服十五圓或二十圓擦生薑浸湯下不計時

強中圓治氣消食益脾胃進飲食

白朮或蒼朮 陳皮去穢 乾薑炮

良薑油炒 青皮去穢

右等分同為細末湯浸蒸餅搗去水和圓如梧子大每服三五十圓

養胃丹治脾胃不和全不思食中脘停寒嘔逆惡心臍寒泄痢腹痛腸鳴常服溫中養胃散飲思食

丁香一兩 白豆蔻仁半兩 人參三分

甘草半兩 乾薑三兩炮用乾生薑尤佳 半夏半兩

右同為細末煉蜜為圓每兩作十圓每服一圓溫湯化下空心食前服之或細嚼湯下亦可造麩法半夏不以多少湯浸洗七遍焙乾搗羅為末用生薑汁和作餅子焙乾用之

五皮散大治男子婦人脾胃停滯頭面四肢悉腫心腹脹滿上氣促急腎膈煩悶痰涎上壅飲食不下行步氣奔狀如水病先服此藥能疏理脾氣消退虛腫切不可亂服瀉水等藥以致脾元虛損所患愈甚此藥乎良無毒多服不妨

生薑皮

桑白皮

陳橘皮

大腹皮

茯苓皮 各等分

右為麤末每服叁錢水一盞半煎至八分去滓不計時候溫服忌生冷油膩硬物立効散治腰痛

玄胡索

當歸

官桂

右等分酒調細末二錢七服

○香芎散治一切頭風

香附子

半斤炒去毛

川芎 三兩

甘草 二兩炙

石膏 兩研

右為細末每服一錢臘茶荆芥湯點服食後

○古鄉古敗散治頭風血風又名荆芥散

荆芥穗 一斤

白朮 三兩

乾菊花 半斤

川芎 四兩

右同為細末食後茶調二錢此藥明目去風

○再甦丹治骨節疼痛語言不正行步艱難手足戰

掉搐拽

川烏頭 二兩

草烏頭 一兩

五靈脂 四兩

右為末滴水為圓如鷄頭大每服一圓研碎入酒一盞生薑三片地黃三條乳香少許同煎至七分臨卧通口服喫了須摩擦患處令熱徹以

助藥力如合時入乳香末一二錢即煎時更不須入

沉香飲子治痞氣升降陰陽

沉香

木香

羌活

獨活

人參

桑白皮 微炙

白茯苓

紫蘇葉 已上各等分

右咬咀為麤末每服三大錢水一盞半大棗二箇薑五片煎至七分去滓食前溫服二滓又作一服

○礞石圓治脾積滯氣酒食所傷飲食不化惡心嘔

逆胃膈不快不思飲食胃腹脹滿臍脇有塊心
脾冷痛口吐酸水停飲冷痰痰癆瘕瘕發痛無
度飢胃轉食而黃瘦乏四肢頭面浮腫臟腑不
調裏急後重及十鬲氣虛中有積婦人血氣塊
硬悉皆主之

硃砂一兩用米醋
叁升化開

巴豆霜二兩半二味同
入醋煮兩食久

青礞石半兩研

京三稜一兩醋浸一宿煨二
味吹入煮半食久入

前醋
中煮

白麩二兩酒半升化右一味
次入煮半食久

大黃

一兩半分二分一炒
煨右次入煮半食久

水香以下並
為細末

檳榔

肉豆蔻

肉桂

猪牙皂角去皮

乾薑炮

丁香

蓬莪菜

羌花

醋浸一宿炒
微令有煙

右丸味各一兩

青皮

白豆蔻

好墨燒令入
分過

右三味各半兩

胡椒一分

粉霜一分
研

右次第煮了次入木香等一十四味熬成膏圓如

菘豆大每服三圓酒飲薑湯雜下

紫沉消積圓

沉香一兩
為末

阿魏一分
研

沒藥一兩
研

巴豆霜四錢

硃砂一兩

已上藥用酒蜜約
度多少一處熬成

膏子然
後搜藥

朱砂

丁香

乾薑

已上各半兩

硫黃

青皮

高良薑

檳榔

木香

人參

胡椒

官桂

已上各一兩

右為末將熬下膏子搜藥勻和為圓如梧桐子大每服五圓至七圓橘皮湯下食後臨卧常用一兩圓更看虛實加減

五勝散治四時傷寒冒風身熱頭痛昏倦寒痰咳嗽及中滿傷寒三日以前服無不効

甘草

石膏

白朮

五味子

各一兩

乾薑

三分

右五味同為細末每服二大錢水一盞入生薑二片棗子一箇同煎至七分去滓温服中滿以鹽煎傷風頭痛加荆芥煎不計時候服

○治傷寒咳逆噎汗尋常亦可服

丁香

柿蒂

各一錢

甘草

良薑

各半錢

右為末用熱湯猛點乘熱一服効

○如聖散治一切無異色瘡腫消毒併閃胸折傷接骨定痛活養血脉已破者不可用

赤小豆升一

川烏頭兩一

草烏頭炮一兩

乳香兩半

芸薹子兩一

右件同為細末每用一錢入白麵一錢瘡腫用水

調稀煮一兩沸放溫攤紙花上貼患處傷折用

醋調骨損用黃米粥調依患處大小貼之上用

帛子纏繫或以沙木篋夾五日一換六十

差

華先生中藏經第六卷終

華先生中藏經卷第七

治惡瘡發背

燒車螯

蘆殼無有竹根伐

黃蘗

甘草

右等分為末先以青鹽薄荷園荜樓葱煮漿水湯

洗瘡男子以婦人婦人以男子唾調前藥塗之

以赤水出為度

神効乳香膏治一切瘡腫生肌止痛一名金露

芝麻油兩四

黃丹兩一

乳香分一

羊同骨髓兩四

麝香許少

一方用沒藥一分代乳香

右件藥一處入磁器內用文武火燉之成膏用綿
濾過入磁合收之入黃蠟半兩

金屑圓亦名黃圓子治傷風寒頭痛肌熱大効

大天南星伍兩 半夏二兩洗七通 石膏二兩

甘草半兩 欝金一兩

右為末以生薑自然汁為圓如鷄頭大每服二圓
傷寒頭痛荆芥茶下四肢厥冷燈焰上燒存四
分性服大便不通大戟湯下小便不通大黃
下破傷風豆淋酒下常服茶清下並嚼碎

白散子治發背候取下毒無次用清凉膏貼

白附子 大香附子各半兩 半夏一分

黑牽牛二兩半生半炒令熟

大甘遂一分以大麥炒候麥黃赤色去麥不用須極慢火炒之

右為末量患人虛實加減每服二錢以蜜酒調
下續飲温酒一兩盞候所苦處刺痛為度微利
三五行瀉出惡物即差次用膏藥貼之氣盛者
一服二錢餘更裁度

清凉膏治發背等先用白散子取之次用此藥貼
之

川當歸二兩

香白芷

木鱉子肉

白芨

芍藥

黃蘗

白欵各一兩

乳香別研

膩粉各少許

白膠少許

黃丹五兩

右用清麻油十兩煎前六味候紫色去之入槐柳枝

各七寸再煎少頃又去之入黃丹五兩熬成入

乳香等重綿濾入罐子內貯之用如常貼使

妙應膏治疥癬

藺茹

藜蘆

右等分爲麤末油煎焦黑去滓入黃蠟就成膏塗

探之

○治惡瘡金瘡刀斧傷見血方

右降真香爲末貼之入水並無妨絕妙

○治嵌甲累効

硃砂一錢

乳香一錢

膩粉半錢

橄欖核三箇燒灰存性

黃丹一字

右爲末入生油調先以鹽湯洗淨指乾傅之兩上

効

治惡瘡疥癬

巴豆

一十一粒油煎令沸去巴豆不用

蛇床

藺茹

右後二味等分爲細末入輕粉少許用巴豆油調傳之及指痒處

佛手膏治膿窠瘡神效

大戟 各一兩 細辛 蛇床子 各一兩 雄黃

白膠香 青州蝎 黃蘗 黃丹 各半兩

白礬 一錢

右爲末以清油八兩熬煙出次下去皮巴豆四七粒槐枝二七截候焦取去不用次下黃蠟一兩松脂二兩次下前九味末以槐枝不住撓成膏磁合內貯又名紫霜膏

○治發背一切癰疽金石藥

右以背紫車螯大者鹽塗固濟火煨通紅放冷取背研爲極細末地上出火毒一宿以甘草膏子圓如梧桐子每服三五十圓甘草湯下日進三服第三日取下惡物用後藥貼之

○貼瘡白膏藥

右以寒水石不以多少火煨通紅入磁器中封口令蜜沉井中一宿取出研極細以臘月猪脂和如膏稀稠得所自瘡赤盡處塗之闊一指許上以薄紙爲花子中心留一孔貼定漸次赤退卽

迤邐移近裏至愈紙花孔子外所留紙令與所塗藥闊狹等

接骨散治折傷

黃狗頭骨

一箇以湯去毛便以湯連皮去之炭火煨過去泥為細末

官桂末

牡蠣亦泥固煨

右三味各為細末每用狗骨末五錢入牡蠣末三錢官桂末二錢並炒以糯米粥鋪絹帛上方搽藥在粥上裹損傷處大段折傷者上更以竹片夾之少時即痒不可抓之輕以手拍三

○治金瘡妙方

右以石灰不以多少和人血作餅厚兩指許風乾

旋切傷之

○治內損吐血

右以飛羅麵微炒以濃磨墨一茶脚二錢許服立効

○越梳散治下血及血利

越桃

梳子也

槐花

青州棗

乾薑

右等分燒存性為末陳米飲調下二錢

○炙肝散逐胃中風邪益脾進食凡人虛弱用補藥日久漸至瘦損食少倦怠大便頻數泄漏服此

無不取效妙

白木

白芍藥

山白芷

桔梗

各四兩

右各生為細末用不入水獐猪肝五兩作小片子
或塊子拌藥十五錢細切葱白二寸鹽一錢同
拌肝令勻以竹簽子作串慢火炙香熟啖之米
飲送下空心食前各一服渴勿喫冷水半月必
安

地黃散牢牙去齒病

此僧文瑩
湘江野錄

歌曰

猪牙皂角及生薑西國升麻熟地黃水律旱蓮
槐角子細辛荷葉要相當荷葉取
心用青鹽等分同
燒煨研殺將來使最良擦齒牢牙髻鬚黑誰知
人世有仙方

治牙痛神驗

草蓼撥

水驚子

去殼

右先研木驚子令細入蓼撥同研令勻隨左右鼻
內搐之每用一豆許

○治牙痛及走馬疳

右用頭髮乾餼用剃面刀子細切銚內慢火燒存

性為細末搽患處

治風氣攻注牙齒腫痛

藁本

剪草

細辛

右等分為麤末每服三錢水二大盞煎至一盞半

以下乘熱嗽之過微覺痛少頃自止

治喉閉及腫痛

白梅

二十五箇取肉

白礬

一錢

甘草

一錢

生草麻

四十九粒去皮

右同研勻和圓如鷄頭大以綿裹含化

○絳雪治喉閉

硃砂

大

白礬

同上

馬牙硝

一分

消石

四兩

黃丹

半兩

新巴豆

六枚

右用麤磁小椀兒一箇先煨令熱下前四味次下

丹次下巴豆仍將巴豆先打破逐箇旋下候焮

盡又下一箇入蛇退皮一條自然燒化以砂礬

成汁候結硬末成每用少許以筆管吹在患處

碧雪治口瘡如咽喉痛腫即含化

焮硝

二兩

甘草

二兩不炙生用

青黛

半兩

僵蠶

半兩

右為細末取黃牛膽汁和之令勻却入膽內當風

吊臘月合過百日中用

○烏龍散治骨槽風牙根腫有奇功

右用不蛀皂角不得搥破只剝取去皂子却入和皮尖杏仁一箇在皂子處燒存性研細每一兩入青鹽一分令勻不計時揩牙用

治口瘡

用五倍子為末摻瘡上

○治喉閉牙關不開者

右以白殭蠶微炒為末生薑自然汁調下一錢神効

白龍散治風毒赤爛眼眶倒睫冷熱泪不止滴

和為鷄頭大圓子亦得

白鱈粉兩

銅碌一錢別研入

右同再研勻每用半錢百沸湯化開以手指洗眼

○清中湯治暑氣中渴

陳皮二兩

甘草一兩蜜炙焦黃脆可折

乾薑半兩濕紙裹煨

右為末每服二錢水一盞煎至八分溫冷喫湯點水調皆可

皂角散治五種腸風瀉血下痢糞前有血號外痔

糞後有血號內痔大腸不收號脫肛穀道四面有努肉如妳號舉痔頭上有孔號漏並皆治之

黃牛角鯁一箇

蛇蛻一條

猪牙皂角五枚

穿山甲

右四味同入瓷瓶內黃泥封固候乾先以小火燒令煙出方用大火煨令通紅為度取出攤冷梓羅為末患者先用胡桃肉一箇分作四分取一分臨困時研細如餵溫酒調下便睡先引至五更時溫酒調下藥末二錢至辰時再服取下惡物永除根本

白龍散治消渴

寒水石生

甘草半生

葛粉各等分

右件為細末每服二錢濃煎麥門冬苗湯調下服立止

神驗柴胡散治大人小兒骨熱夜間如蒸甚者不過十數日見効

土柴胡

不以多少去芦洗淨炙黃色不令太焦亦不須銀州者

右為末每服二錢水一盞入地骨皮指面大二片子同煎至七分食後溫服如虛瘦但空心服補藥食後煎下數服時時如水飲之

聖餅子治咯血

青黛錢一

杏仁四十粒

去皮尖以黃明蠟煎黃色取出研細

右二件再同研勻却以所煎蠟少許鎔開和之捏作錢大餅子每服用乾柿一箇中破開入藥一餅令定以濕紙裹慢火煨熟取出以糯米粥嚼下

治產後惡心

白木分一

生薑減半

右並咬咀水一盞煎至七分溫服如神

○艾煎圓治婦人經脉不止

金毛狗脊

一兩去黃毛

威靈仙

一兩

良薑

一兩

熟艾二兩

糯米餠和日乾為末一法用醋熬焙乾亦可為末

赤芍藥

一兩

附子

半兩炮

右為末以藥一半同醋煮麩餠和餘一半藥末為圓桐子大每服十圓溫酒下食前空心服

○治血山崩甚者

右以凌霄花焙乾為末酒下三錢立止晝夜不定者一服効

治產後發熱無憂散

虎鳧

一兩研

生地黃

半斤切

右將地黃於銀器中炒煙盡合地上出火毒乳鉢
內研為末每一兩虎骨末二錢勻合用童子小便
與酒中半調下一錢日三服

治腫毒

天南星生為末 白礬研細

右等分新汲水調塗乾再掃之

○治大人小兒偏墜服訖以食壓之

防風 官桂研細辛辣者

右等分為末酒調二錢

○神應烏玉丹治丈夫婦人久新腸風痔瘻者

痛不可忍者服此藥不過三四次便見功效初
得此發痒或疼穀道周回多生硬核此是痔
如破是瘻只下血是風皆因酒色氣風食五事
過度即成此疾人多以外醫塗治病在腸內有
虫若不去根本其病不除此藥的有神効不可
細述

穉藺 亂髮各二兩 猬皮四兩

猪蹄甲一十四箇須後脚者 牛角三兩

苦練樹根二兩半洗淨 槐角一兩

雷圓 脂麻各一兩揀淨 真麝香二錢

滴乳香生

石除乳麝二香別研細外並細剉入藏瓶或沙合

子不固濟周回用熟炭火煨煙才盡便去火在

體度煨未有則殺納不細煨過則藥無力入二香同研勻無灰醇酒

打麵糊為圓如梧桐子大每服八粒先細嚼胡

桃一枚以溫酒吞下空心晚食前日二服如病

甚日三服切忌服別藥不過三兩日永除根本

○治小兒妳癖

右以白芥子不以多少研成膏攤紙花子上貼疼

硬處坐中効

七

華先生中藏經卷第八

常山湯治妊娠患瘡

常山二兩

甘草一兩

黃三兩

烏梅十四箇

石膏八兩並研

右以酒一升二合漬藥一宿煮三四沸去滓初服

六合次服四合又次服二合發前次第服之今

但抄伍大錢漬酒一盞

常山湯治同前

常山三兩

竹葉二兩

石膏八兩

杭米一百粒

右以水六升煮取二升半分二服第一服未發前
待食又服之坎臨發時服餘一服以塗頭額及
臍前伍心藥滓置頭邊當日勿近水及進飲食
過發時乃飲粥此二方皆大湯劑今但抄五大
錢水一盞半煎至七分服

○鐵罩散安胎如神

右以香附子炒去毛令淨爲細末濃煎紫蘇湯調
下一錢

失笑膏治婦人產後血不快刺痛等症

五靈脂 蒲黃

右等分爲細末每服二錢米醋半盞同熬成
人水一盞煎至七分熱服痛如失
催生治危急神妙

朱砂

兩半

乳香

兩一

右爲末端午日猪心血圓梧子大乳香湯下一粒
并治小兒斑豆不出

白朮圓治小兒白瀉

白朮

當歸

芍藥

木香

半

右等分爲末煉蜜圓如菉豆大每服十圓十五圓
不拘時候米飲下

木香圓治小兒喫食大早遂成疝疾腹脹疝瀉及
釀肚等病

木香

沉香

青皮

去白各一錢

肉豆蔻

一箇麩裹煨

牽牛

二錢炒

右為細末

麵餠圓如麻子大二三歲兒服二粒

五六歲服五七粒濃煎蘿蔔湯下

玉柱杖散治小兒疳瘦

黃耆

人參

白茯苓

右等分為末每服一錢水一盞煎至六分呷之不

拘時

沉香養脾圓

人參

白朮

川麩薑

炮

甘草

炙

木香

丁香

肉豆蔻

麩裹煨

縮砂

入味各半兩

沉香

一分

右為細末煉蜜圓一兩作十粒每服一粒嚼下食

前服化下亦得

佛手膏治眼生翳膜并努肉赤脉攀睛翳暈冷熱

淚下及眼眶赤爛等方

乳香

真者研半字

硃砂

半字研

麝香

一字研

當歸

半錢剉細

黃連

一錢去須剉細

白礬 半字飛過 研細

白砂蜜 四兩須白 砂者佳

青鹽 一字光 明者研

右除蜜先將上七件於乳鉢內研爛同蜜一處拌
勻入新竹筒內用油紙兩三重以線繫扎定口
勿致水入放淨鍋內添水煮竹筒自早至午時
破竹筒傾藥以新綿或重絹濾過入藥於瓷瓶
子內牢封埋地坑內經宿取出點之用銅柱點
每點了合眼少頃復以溫淨水洗之翳膜嫩者
是近年生者當五七次隨藥退下翳老者頻點
旬日退下即効弩肉瘵肉不過兩三日隨藥以

銅柱刮落弩肉自然綻斷此方不謬累驗

○治小兒乳癖胃腹高喘急吐乳方

右以不入倉黑豆七粒去皮研極細滴水七徧和
成作七丸以青黛末衣之令徧更用白麩和作
皮裹藥燉火煨熟去麩再研細別入膩粉生腦
子麝香各少許再滴水丸作七丸每服一丸臨
卧溫水送下兒子小嚼破無妨極効

神木散治傷風頭痛聲重

蒼朮 四兩

川芎 一兩

藁本 二兩

炙甘草 一兩

右咬咀每服二錢水一盞生薑二片同煎至七分

通口服不拘時候

○理大腸一切下血

取雄黑豆紫小長者是不以多少微以皂角湯浸發動

炒熟去皮為細末煉猪脂為丸如梧桐子大每

服三十九丸陳米飲熟水皆得服甚妙

治婦人懷妊多墮方

熟艾五斤煮沙 米醋三斤煮沙乾焙為末 木鱉子五箇研細

大赭石二兩米醋淨七遍

右同為末煮棗肉為丸梧子大每服三十九丸米飲

下

花紅散治惡瘡大効方

龍骨雪白真者兩 乳香半斤

粉霜半錢 光粉二錢 輕粉用小平錢抄半錢

麝香許少 腦子許少 黃丹逐旋入看顏色粉紅即止

右合和了如惡瘡先用温漿水洗淨次用好油塗

瘡口上了方可將藥摻在瘡上用膏藥貼日三

四次易之趙允蹈赴温倅過諸暨傳此方云親

自得効渠患一漏瘡以藥用紙摻填瘡中上以

膏藥貼之日生肉舊不痛遂漸覺痛有血是好

肉生也

治喉閉

白僵蠶

天南星並生用

右等分爲末以生薑自然汁調一字許用筆管灌在喉中立効仍咬乾薑皂子大引涎出

治腸風下血

榼藤子

二箇如當三錢大者如更大只用一箇取穢別研極細

不艸皂角子

四十九粒燒存性別研細

右拌勻每服二錢温酒調下如人行五里再以温酒一盞趁之日一服極効

治一切癰疽地黃膏兼治毒蟲所傷

石膏

火煨

藿香葉

蚌粉

香白芷

雄黃

研

右等分同爲細末以生地黃自然汁調稀稠得所塗瘡上四圍留瘡頭已破者亦留瘡口勿塗乾即再傳之藥厚以新水潤之其効如神極妙萬全金花散理發背疽瘡疼痛不可忍者凡腫在脊骨邊根株如椀盞大上面有細頭子如粟米粒白色其間亦有如石榴子者即疽瘡也

車螯

紫色者出海際用火煨赤地上出火毒氣了爲細末

生黃蘗

爲末

生甘草

爲末

乾蘆皮

自東邊面西蘆籬障上取皮為末

右各為末了旋抄車熬末黃蘗末各一錢甘草末半錢已上蘆皮末一錢半已上拌勻用津唾調以竹篋子傳腫上須蓋遍瘡根未穴者自穴已穴者惡物自出凡十上取効每傳瘡時須先用赤根葱三兩莖薄荷少許鹽少許一處煎湯放冷淋洗旋旋用帛子拭乾方可上藥應係惡瘡癩並傳之無頭者即消有頭者即膿出神効

治陰瘡

膳茶

五倍子等分

膩粉少許

右傳之

治吹妳

水茸角

不以多少新瓦上燂乾

右為細末臨卧酒調服二錢七次日即愈已破者略出黃水亦効水茸角狀如鬼腰帶作小窠子生三四月開小黃花葉如夜合葉六七月採兩浙呼為合萌

治風痰眩運二烏圓

川烏頭

草烏頭各四兩

青鹽四兩

黑豆

半升

右用水二升同煮四味水耗即以溫水添之候川

烏頭半軟四破之更煮以透爛為度去皮同煎
烏頭並黑豆於石臼或木臼內搗令極爛不見
白星即就圓乾即以煮藥水添濕同搗煮時留
一盞以下水以備添勿令煮乾也圓如梧子大
每服三二十圓鹽酒鹽湯任下食前

○治風癩

右九蒸九爆天南星為末薑汁糊圓梧子大煎入
參菖蒲湯或麥門冬湯下二十圓

○治風蚰牙

右用大北棗一枚擘開去核入和皮巴豆一粒却

捏合於慢火上炙令焦黑如乾浮炭樣取故
上良久碾為細末以紙撚尖搗少許入蚰牙窩
內不過五七次永絕根本

木香餅子

木香兩半

丁香皮兩二

益智仁兩一

香附子四兩去麤皮炒

甘草兩二炒

縮砂仁兩二麪裹煨熟為度

蓬莪茂兩二炮

右件七味為細末水餉為圓梧子大捏作餅子每
服一二十餅溫熟水嚼下食後

治療瘰

瞿麥

海藻

凌霄花

北邊背陰土

別研

皂角刺新者

右並等分每服三錢米飲調下食後日二服

○貼已破者

右用鉛炒取灰滓研細以溫鹽漿水洗淨貼之

二虎丹治瘡

辰砂

硫黃

右熱多加辰砂寒多加硫黃並研細棗肉爲圓

龍眼大當發日新水七分一盞化下

金瘡藥

右用上等風花石灰羅過以紫刺芥心韭一般

少搗灰成塊陰乾旋爲末用付之五月五日合

神仙眼藥并種空青法

秦皮

三錢去麁皮剉細

乳香一塊

如棗大

胡黃連

三錢

燈心一握

七寸長

棗子

三箇

斑猫一箇

去翅頭足

古老錢

七文不剉

右都爲麁末入無油去聲器中砂器尤佳用井花水

一大椀熬去半椀用綿絹擠過再將滓以水半

磁椀煎取一盞入擠過汁同煎汁入新椀中熬

似稠粥樣入小瓷合中或角合中盛將空青餅
鵬砂一塊如兩豆大飛過熬乾空青不熬再研
入腦子多不妨麝香少許四味同入藥膏內攪
勻每點一粟米許在眼背頭將手挪勻仰面候
藥微澁過將沸鹽湯用軟帛片蘸洗快則已之
種空青法

朴消半錢

白茯苓一分

龍膽草一分

仙靈毗葉一錢旋覆花一錢

右為末用黃泥一塊拳大同藥和勻水調如軟飯
相似作土餅一箇用太平錢伍文按五方

於光面墨書金木水火土五字所寫字向下錢
字向上隨五方安用硃砂如豆大每錢安四塊
在四字孔罅中須要乾黃土上頓着土餅將新
砂盆一箇蓋之又將燥黃土蓋盆冬月十日夏
月五日取出於錢上摘取下細研入藥此為種
空青法不可嫩亦不可老須得中也

治胞損小便不禁牡丹須細花者不然無効

白牡丹根皮為末一錢

生絹一尺

右同以水煎如餲每服半盞
○治喘嗽上氣

蒲類葉治一切肺喘劇甚者効如神焙碾爲細末
米飲調服二錢上併服取差氣味清香其實酸
澁夏紅可食核如棗核類山茱萸採葉背白者
用江西謂之盧都子

治蛇傷

香白芷

右爲末濃煎麥門冬湯調下二錢神効

○換骨丹治一切卒中手足頑麻腰膝沉重左癱右
瘓截四時傷寒婦人血刺產前產後每一粒
一盞碎槌浸至夜温動化散臨睡和滓服

驚搐米飲化半圓

桑白皮

川芎

吳白朮

紫河車

威靈仙

蔓菁子

人參

防風

何首烏

地骨皮

五味子

木香

苦參

犀角

麝香

龍腦

右爲細末用膏和

○作膏法

地黃

三斤去根不
去節剉細

蒼朮

半斤

槐角

半斤

右用河水一斗八升井水亦得同熬至三四升去

滓留清者再熬成膏和前藥每兩作八圓朱砂

爲衣

治痢疾神効香栗飲子

丁香五枚

鷲粟殼五箇炙黃

甘草一寸炙

白豆蔻仁一枚乳香一大子

右咬咀以水一椀煎至半椀温服

○治爛眶風眼

宣黃連半兩去鬚

大肉棗三七箇去核

杏仁五十粒不去皮

尖腦子一字

右一處用雪水一升砂鍋内文武火煮留一盞許

窸三七相以銅筋點食後臨卧日可三四次

之杏仁去尖

青蓮山人江中澄重校師古齋

華先生中藏經八卷終

中藏經

八卷

十三

中
新
編

八
卷

皇
朝
文
獻
通
考

